

Արձանագրություն N 3

<<ՀՀՔԿ-ԳՀԱՇՁԲ-19/20>> ծածկագրով ՀՀ Արմավիրի մարզի Վաղարշապատի բժշկական կենտրոնի վերակառուցման նախագծանախահաշվային փաստաթղթերի մշակման աշխատանքների ձեռքբերման գնման ընթացակարգի գնահատող հանձնաժողովի նիստի

ք. Երևան

02.10.2019թ.

ժամը 11:30

Մասնակցում էին՝

Հանձնաժողովի նախագահ՝

Ա. Միրզոյան

Հանձնաժողովի անդամներ՝

Դ. Շատվերյան

Ռ. Եղիազարյան

Ռ. Ադամյան

Աշ. Գրիգորյան

Հանձնաժողովի քարտուղար՝

Տ. Վասիլյան

1. ՀՀՔԿ-ԳՀԱՇՁԲ-19/20 ծածկագրով գնման ընթացակարգի առաջին տեղն զբաղեցրած մասնակցի կողմից ներկայացված որակավորման պահանջներին իր համապատասխանությունը հիմնավորող փաստաթղթերը ներկայացնելու և ՀՀ պետական եկամուտների կոմիտե ներկայացված հարցման մասին

(Ա. Միրզոյան)

1.1 Ընդունել ի գիտություն, որ ՀՀ կառավարության 2017 թվականի մայիսի 4-ի N 526-Ն որոշմամբ հաստատված <<Գնումների գործընթացի կազմակերպման>> կարգի (այսուհետ՝ Կարգ) 43-րդ կետի 3-րդ և 4-րդ ենթակետերի համաձայն՝ 11.09.2019թ.

ա) հարցում է ուղարկվել ՀՀ պետական եկամուտների կոմիտե (այսուհետ՝ Կոմիտե) գնման ընթացակարգի 1-ին տեղն զբաղեցրած մասնակցի՝ <<ՄԱՌԱ ԵՎ ԴՈՒՍՏՐԵՐ>> ՍՊԸ-ի (այսուհետ՝ Մասնակից) հայտը ներկայացնելու օրվա դրությամբ հարկային մարմնի կողմից վերահսկվող եկամուտների գծով ժամկետանց պարտավորությունների, ինչպես նաև հրավերով <<Ֆինանսական միջոցներ>> որակավորման չափանիշի գնահատման համար սահմանված պայմանների առկայության վերաբերյալ:

Կոմիտեի կողմից սահմանված ժամկետում ստացվել է եզրակացություն համաձայն որի՝ Մասնակիցը հայտը ներկայացնելու օրվա դրությամբ հարկային մարմնի կողմից վերահսկվող եկամուտների գծով չունի ժամկետանց պարտավորություններ, ինչպես նաև <<Ֆինանսական միջոցներ>> որակավորման չափանիշը համապատասխանում է հրավերով սահմանված պահանջներին:

բ) ծանուցվել է Մասնակցին ծանուցումն ուղարկելու օրվանից երեք աշխատանքային օրվա ընթացքում էլեկտրոնային փոստի միջոցով ներկայացնել որակավորման չափանիշները հիմնավորող՝ հրավերով նախատեսված փաստաթղթերը, որոնք սահմանված ժամկետում (16.09.2019թ. դրությամբ) ներկայացվել են:

Ներկայացված փաստաթղթերի ուսումնասիրության արդյունքում գնահատող հանձնաժողովի 26.09.2019թ. նիստին արձանագրվել են հետևյալ անհամապատասխանությունները.

ա) Բացակայում են Հավելված N 3.2-ի աղյուսակում ներառված մասնագետներից

- Էդիկ Մելքումյանի բարձրագույն կրթությունը հավաստող փաստաթղթի պատճենը և ճարտարագետ-կոնստրուկտորի ինքնուրույն մասնագիտական գործունեություն իրականացնելու բարձրագույն դասի <Ա1> ենթադասի արտոնագիրը կամ գործողության մեջ գտնվող <Քաղաքաշինական փաստաթղթերի մշակում և փորձաքննություն> լիցենզիայի <Բնակելի, հասարակական և արտադրական> ներդիրը,

- Էդվարդ Միլիտոսյանի բարձրագույն կրթությունը հավաստող փաստաթղթի պատճենը:

բ) Հրավերի 2.5 կետի 4-րդ ենթակետով պահանջվող բարձրագույն կրթությամբ հետևյալ երեք՝

- Ճարտարագետ-էլեկտրիկի որակավորմամբ և <<Բնակելի, հասարակական, արտադրական շենքերի ու շինությունների նախագծային փաստաթղթերի՝ էլեկտրամատակարարման, էլեկտրալուսավորման ներքին և արտաքին ցանցերի>> ներդիրում ներգրավված,

- Ճարտարագետ-էներգետիկի որակավորմամբ և <<էներգետիկայի օբյեկտների նախագծային փաստաթղթերի՝ էլեկտրաէներգետիկական համակարգերի>> ներդիրում ներգրավված,

- Կապի ցանցերի և հաղորդակցման համակարգերի մասնագետի որակավորմամբ և <<Կապի օբյեկտների նախագծային փաստաթղթերի՝ հեռահաղորդակցության և ազդանշանային համակարգերի>> ներդիրում ներգրավված

առանձին մասնագետների փոխարեն Մասնակիցը ներկայացրել է միայն մեկ մասնագետի՝ Մարի Սոֆյանի մասին տեղեկատվություն:

Համաձայն Կարգի 47-րդ կետի՝ 26.09.2019թ. ծանուցվել է Մասնակցին՝ առաջարկելով երեք աշխատանքային օրվա ընթացքում շտկել նշված անհամապատասխանությունները, որոնք էլ սահմանված ժամկետում (01.10.2019թ. դրությամբ) արվել է վերջինիս կողմից:

Ընդունվել է որոշում՝ կողմ – 5, դեմ – 0:

2. ՀՀՔԿ-ԳՀԱՇՁԲ-19/20 ծածկագրով գնման ընթացակարգի հայտերի գնահատման արդյունքների հաստատման մասին

(Ա. Միրզոյան)

2.1 Հիմք ընդունելով <<Գնումների մասին>> ՀՀ օրենքի (այսուհետ՝ Օրենք) 34-րդ հոդվածի 6-րդ կետը և գնահատող հանձնաժողովի անդամների կողմից ներկայացված գնահատման թերթիկները՝ հանձնաժողովը որոշեց հաստատել գնման ընթացակարգի մասնակիցների հայտերի գնահատման արդյունքները և ընտրված մասնակից ճանաչել <<ՄԱՌԱ ԵՎ ԴՈՒՍՏՐԵՐ>> ՍՊԸ-ին:

Ընդունվել է որոշում՝ կողմ – 5, դեմ – 0:

3. Պետական գնման պայմանագիր կնքելու որոշում ընդունելու մասին

(Ա. Միրզոյան)

3.1 Հիմք ընդունելով սույն արձանագրության 2-րդ կետով ընդունված որոշումը, ինչպես նաև Օրենքի 36-րդ հոդվածի 1-ին և 2-րդ կետերը՝ գնահատող հանձնաժողովը որոշում է անգործության ժամկետի ավարտից հետո պայմանագիր կնքելու առաջարկ ներկայացնել սույն արձանագրության 2.1 կետում նշված մասնակցին:

Ընդունվել է որոշում՝ կողմ – 5, դեմ – 0:

4. ՀՀՔԿ-ԳՀԱՇՁԲ-19/20 ծածկագրով գնման ընթացակարգի հանձնաժողովի հաջորդ նիստի անցկացման օրը և վայրը հաստատելու մասին

(Ա. Միրզոյան)

4.1 Հանձնաժողովի հաջորդ նիստը հրավիրել պետական գնման պայմանագիր կնքելու օրը ՀՀ քաղաքաշինության կոմիտեում, ք. Երևան, Հանրապետության հրապարակ, կառավարական տուն 3, IV հարկ հասցեում:


Ընդունվել է որոշում՝ կողմ – 5, դեմ – 0:

Հանձնաժողովի


Նախագահ՝

Անդամ՝


Արձանագրությունը կազմեց
հանձնաժողովի քարտուղար՝




Ա. Միրզոյան




Դ. Շատվերյան



Ռ. Եղիազարյան



Ռ. Աղամյան



Ա2. Գրիգորյան



Տ. Վասիլյան